

Arkiv: <arkivID><jplID> FA-C14
JournalpostID:
Sakshandsamar:
Dato: 25.04.2022

Saksframlegg

Saksnr.	Utval	Møtedato
015/22	Ungdomsråd	02.05.2022
033/22	Utval for oppvekst, kunnskap og kultur	03.05.2022

Driftsavtale ungdomskontakten Salto 2022-2024

Kommunedirektøren sitt framlegg til vedtak:

Alver kommune godkjenner driftsavtale for ungdomskontakten Salto slik den ligg føre.

Ungdomsråd 02.05.2022:

Handsaming:

Ungdomsrådet sluttar seg til hovudtrekka i avtalen, men har følgjande tilleggsframlegg:

- Det burde vore 1-2 representantar for ungdom i referansegruppa.
- Tilbodet burde vore opent lengre (utan om onsdag), då dei fleste elevane på vidaregåande ikkje er ferdig på skulen før 15.30

Samrøystes vedteke

UR- 015/22 Vedtak:

Ungdomsrådet kjem med følgjande uttale til avtalen:

Ungdomsrådet sluttar seg til hovudtrekka i avtalen, men har følgjande tilleggsframlegg:

- Det burde vore 1-2 representantar for ungdom i referansegruppa.
- Tilbodet burde vore opent lengre (utan om onsdag), då dei fleste elevane på vidaregåande ikkje er ferdig på skulen før 15.30

Politisk handsaming

Saka skal til uttale i ungdomsrådet

Saka skal avgjerast i utval for oppvekst, kunnskap og kultur

Bakgrunn

Ungdomskontakten Salto starta opp som eit treårig prosjekt i september 2007, som eit samarbeid mellom sju kommunar i Nordhordland, Knarvik senter, kyrkja, politiet og Knarvik vidaregåande skule. Etter prosjektperioden har Salto vore i drift frå januar 2011.

Det har vore praksis å vidareføre driftsavtalen mellom kommunane i ein periode på 2-3 år. Framlegg til driftsavtale for perioden 2022-24 blir no lagt fram for politisk handsaming. Det er lagt opp til likelydande prosessar i dei andre samarbeidskommunane.

Saksopplysninger:

Frå 2020 er det kommunane Fedje, Modalen, Masfjorden og Alver som samarbeider om ungdomskontakten Salto. Finansiering av tiltaket er fordelt mellom kommunane etter ei prosentvis fordeling der Fedje og Modalen finansierer 2 % av utgiftene, Masfjorden 6 % og Alver 90 %. Den prosentvise fordelinga er sett ut frå ca. besøkstal frå dei ulike kommunane. Knarvik senter gir tilskot til ungdomskontakten Salto ved å stille lokale inklusiv straum til disposisjon. Samla kostnad for dette er om lag kr. 180.000 i året.

Alver kommune har arbeidsgjevaransvaret for ungdomskontakten Salto.

Målsetjinga for tiltaket er å:

- Oppretthalde drift av lågterskel-tilbod for uorganisert ungdom (rus, valds- og kriminalitetsførebyggjande tiltak)
- Førebyggje vald gjennom tidleg observasjon og intervensjon mot ungdom i faresona
- Hjelp ungdomar til å meistre utfordringar i livet gjennom tilbod om vaksenkontakt

Kjerneaktiviteten for Salto er «ope hus», med ope kvar dag etter skuletid. Onsdag er langdag, med ope frå kl. 13.30-20.30. Dei tilsette driv oppsøkjande arbeid i Knarvik senter både før, under og etter skuletid. I tillegg gir dei tilbod om AART-program til skular. AART er et pedagogisk, manualbasert program som består av trening i sosiale ferdigheiter, sinneregulering og moralsk resonnering, ein kombinasjon som har dokumentert god effekt på klasse miljø og utfordrande åtferd.

Salto har samarbeid med skular i regionen, barnevernstenesta, helsetenesta, NAV, oppfølgingstenesta (OT/PPT), politiet, ungdomskoordinator, Nordhordland Næringslag, Knarvik senter samt andre frivillige lag og organisasjonar.

Referansegruppa, som består av representantar frå Salto, politiet, Knarvik vidaregåande skule, kyrkja, Knarvik senter og Alver kommune.

Vurdering

Frå etablering av prosjektet og fram til i dag, har ungdomskontakten Salto vore eit positivt tiltak for ungdom. Det har vore høge besøkstal på Salto, og ungdomane gir positive tilbakemeldingar om tilbodet.

I første fase av pandemien var Salto stengt for besøkjande, og i denne perioden kom det tilbakemeldingar både frå ungdomar og Knarvik senter om at det var ønskjeleg å opne opp lokasjonen så snart som mogleg.

Tilbakemeldingar frå ungdomane og referansegruppa er at Salto har ein viktig førebyggjande funksjon for miljøet.

Det er ønskjeleg å vidareføre tiltaket, og saka blir difor lagt fram for politisk nivå. Midlar til finansiering av tiltaket er lagt inn i budsjettet for 2022.

Vedlegg i saken:

25.04.2022 Salto - Samarbeidsavtale Alver 2022 24 (003) (002)

1728291